

歡迎testabc12343 [檢視個人資料](#) [\[登出\]](#)

[搜尋](#) [繁](#) [簡](#) [字](#)

- [首頁](#)
- [心靈物語](#)
- [屬神篇](#)
- [見證篇](#)
- [專欄](#)
- [資訊](#)
- [互動區](#)

屬神篇

[教會之旅](#)

[學校快遞](#)

[事奉之路](#)

[屬神的家](#)

[屬神的女](#)

[屬神的男](#)

[音樂文化](#)

[逆風文化](#)

[聖經故事](#)

[肢體消息](#)

[代禱事項](#)

主頁 \ 屬神篇 \ 學校快遞

為主獻上一台好戲(第41期)



撰文：陳嘉韻 攝影：曾慧明

「一份聖誕禮物，一位Secret Angel，觸動Eileen的神經，化身成Super Angel進行大報復……」以上的情節改編自中華基督教會基法小學（油塘）一位老師

的親身經歷，他收集同學的意見後，創作這齣名為《Secret Angel》的福音話劇。此劇在學校戲劇節囊括多個獎項，一班話劇組成員，更獲教育局、香港藝術中心邀請，假西灣河文娛中心劇院上演這齣得獎話劇。



精湛演技贏得讚賞

爲了這次公開演出，話劇組成員密鑼緊鼓地綵排，務求以最佳狀態踏上台板演出。我們有幸前來參觀他們的綵排情況，同時訪問奪得傑出男、女演員獎的同學，亦深感榮幸！當邀請他們重演精彩一幕時，兩人不消數分鐘，便投入角色，將角色的內心變化演繹得淋漓盡致，直教我們刮目相看。



男主角阿坤與女主角Eileen將角色演繹得淋漓盡致。

哪究竟男主角阿坤、女主角Eileen是怎樣看自己在劇中飾演的角色呢？

Eileen：「我响劇中嘅角色性格好小器，講嘢又唔經大腦，成日諗住點報仇。不過當佢知道自己做錯咗，就會自我反省，仲會想盡辦法去補鑊。佢嘅性格有部份同我都幾相似，所以我好似做返自己咁。」

阿坤：「我响劇中嘅角色性格係個好講義氣，對朋友好好嘅人。當朋友犯錯，我唔會鬧佢，只會俾提示佢，等佢有自我反省嘅空間。某程度上我同劇中人性格相似，我都係嗰種好容易同人做朋友嘅人。」



女主角Eileen叉腰瞪眼鬧人的模樣入形入格。

對於憑該劇在學校戲劇節奪得傑出男、女演員獎，兩位同學都非常開心。問他倆覺得自己表現最好的一場戲，他們分別揀了不同場口的戲份，且聽他們分享當中的點滴……



這是女主角Eileen發難大罵Secret Angel的其中一幕。

阿坤：「我記得其中一場戲講我收到Secret Angel送嘅聖誕禮物，但係Eileen就無份，佢唔明白點解，我知又唔講得俾佢聽，只能夠氹佢開心。另一場係Eileen因為咁而無心機，响補習時用紅筆做功課，我見到後大聲嘲笑佢。呢場戲好難做，平日笑係好容易，但係要响劇中好自然咁大笑係好困難。阿Sir為咗引我哋笑，竟然扮跳草裙舞，搞到我笑破肚皮！」

Eileen：「有一幕講我踢爆邊個係Secret Angel，仲刻意唔送聖誕禮物俾佢。我哋會因為咁而鬧大交，我仲鬧到佢喊住走出班房。嗰一幕我覺得都幾難演繹，相信係我演得比較自然，先至令評審對我留下深刻嘅印象。」

下一頁 ▶

[返回頂端](#)

[SHARE](#)

版權所有

本網所有圖文不得以任何形式轉載或節錄

聯絡我們 | 廣告查詢 | 訂閱/補購本刊

2010©身心美慈善基金有限公司

香港政府註冊慈善機構稅務編號 91_72684